

Inatsisartut Suleriaasianni § 33, imm. 6, nr. 4 malillugu aalajangiiffigisassatut siunnersuut una Naalakkersuisunit matumuuna saqqummiunneqarpoq:

Uunga siunnersuut: Meeqqanut inatsisip Kalaallit Nunaanni meeqqat inatsisitigut inissisimanagerat pillugu inatsit nr. 197, 16. juuni 1962-imeersoq naapertorlugu allannguutisap atuutilernissaanut aalajangiiffigisassatut siunnersuut kiisalu inatsit nr. 154, 27. maaji 1964-imeersoq Kalaallit Nunaanni kingornussisarnermut tunngasoq pillugu Inatsisartunut aalajangiiffigisassatut siunnersuut.

(Naalakkersuisut Siulittaasuut)

Tunngavilersuutit

Aalajangiiffigisassatut siunnersuut Meeqqanut inatsisip Kalaallit Nunaanni meeqqat inatsisitigut inissisimanagerat pillugu inatsit nr. 197, 16. juuni 1962-meersoq naapertorlugu allannguutisap atuutilernissaanut aalajangiiffigisassatut siunnersuut kiisalu inatsit nr. 154, 27. maaji 1964-imeersoq Kalaallit Nunaanni kingornussisarnermut tunngasumut (Meeqqanut uersakkanut ataassarsiuussinermut tunngasoq meeqqanut inatsit Kalaallit Nunaanni meeqqat inatsisitigut inissisimanagerat pillugu inatsit il.il.) siunnersuummut Kalaallit Nunaanni Namminersorlutik Oqartussanit oqaaseqaataavoq.

Naalagaaffeqatigiit 2010-mi ataatsimiinneranni Naalakkersuisut siulittaasuata Statsministerilugu isumaqatigiissutigaat oqaluttuarisaanermi meeqqat inatsisit naapertorlugit ataataqanngitsut pillugit qulaajaasoqassasoq.

Tamatuma kingorna Kalaallit Nunaanni meeqqat inatsisitigut inissisimanagerat kiisalu kingornussisarneq pillugu inatsisip allannguutissaatut siunnersuut Social- og Integrationsministeriap suliaraa.

Kalaallit Nunaata Kitaani meeqqat uersakkat 1. juni kiisalu Kalaallit Nunaata Avannaani Tunumilu 1. juli 1963 sioqqullugu inuusimasut inatsisitigut inissisimanagerat naapertuutinnitsoq inatsisissatut siunnersuummi aqqiiviginiarneqarpoq. Aamma meeqqat uersakkat inatsisip atuutilereernerata kingorna inunngornikunut tunngavoq, tassanili angut, imaluunniit angutit, akilersuisussaatitaasutut isigineqartut.

Inatsisissatut siunnersuutip imarisai

§ 23a nutaaq ilanngunneqassasoq siunnersuutaavoq, taamaalinikkut meeraq uersagaq eqqartuussiviit aqutugalugit ataassarsiuussinermik suliassanngortitsisinnaanngorlugu. Taamatutaaq meeqqap toqkukut qimagulluni pigisaanik meeqqallu anaanaanut imaluunniit anaanaata toqkukut qimagunnerata kingorna pigisaanut assinganik periarfissiissaaq.

Ataassarsiuussinermi suliat suliareqqinneqartarnerat pillugu malittarisassat nalinginnaasut akerliannik siunnersuutigineqarpoq imaassasoq, tassalu suliani makkunani immikkuullarissuni meeqqap najugaani eqqartuussivimmi suliassanngortitseqqiisoqarsinnaalissasoq. Aammataaq siunnersuutigineqarpoq meeraq eqqartuussinermi pisinnaatitaasumik sinniisoqassasoq akeqanngitsumik eqqartuussivikkoortitsinissaq pillugu piumasaqaatit eqquutsissimannigikkaluarlugit.

Pisuni ataataasup toqkkut qimagussimanerani ataatassarsiussisarneq pillugu suliamik sulias-sannngortitseqqiisarneq pillugu immikkut malittarisassiuunneqanngilaq. Periarfissaq taanna malittarisassani atuuttuni pioreerpoq.

Aammattaaq siunnersuutigineqarpoq § 4, imm. 2 aamma § 36 maanna atuuttut atorunnaarsin-neqassasut.

Kalaallit Nunaanni kingornussisarneq pillugu inatsit atuuttoq malillugu meeraq meeqqat ina-tsisitigit inissisimanerat pillugu inatsisip atulinngikkallarnerani inuusimasut ataaminnit ina-tsisit malillugit kingornussisussaataanngillat. Aammattaaq eqqartuussiviup aalajangersinnaa-vaa suliani inatsisit naapertorlugit kingornussisoqarsinnaatillugu kingornussisussaataaneq taanna atorunnaarsissallugu, kingornussisussat allat atugaannut akerliuppat (§ 36 atuuttoq). Taassuma aalajangersakkap atorunnaarsinneqarnissaa siunnersuutaavoq.

Siunnersuutip siunertaa tassaavoq meeqqat inatsisitigit inissisimanerat naapertorlugu malitta-risassat nalinginnaasut malillugit meeqqat ilaquataanerat aalajangerneqarsimappat taava mee-qat ilaquataasut allat assigalugit kingornussisussaataalernissaat.

Europamiut Inuit Pisinnaatitaaffii pillugit Isumaqatigiissutaanni imm. 8-p Danmarkimit ator-tinneqarnera isornartorsiorneqarpoq meeqqat immikkoortitaanerat maanna atuuttoq eqqarsaa-tigalugu. Qallunaat naalakkersuisuisa isumaat tassaavoq apeqqut taanna inatsisissatut siunner-suut atorlugu aaqqinneqarsinnaasoq.

Siunnersuutilli pisinnaatitsinngilaq ataatassarsiussinerup suliareqqilernerata kinguneranik to-qusut pigisaannik suliat naammassereernikut suliareqqinneqarsinnaanissaannik, tak. siunner-suutaasoq § 23a.

Tassa imaappoq, inuit ataatassarsiussinermik suliamik suliassannngortitseqqittut, ataatassar-siuussinerlu naammassineqarluni, ataataasumit kingornusseqaataasinnaanngillat, toqusup pigi-saanik suliaq naammassereersimappat.

Qallunaat naalakkersuisui isumarput toqusup pigisaanik suliaq malittarisassat malillugit sulia-rineqareersoq suliareqqilerneqassappat tamanna ileqqunut periaatsinullu nalinginnaasunut naapertuutinngitsoq.

Tusarniaaneq

Ilinniartitaanermut, Ilageeqarnermut, Kulturimut Naligiissitaanermullu Naalakkersuisoqarfiu-simasumut inatsisissatut siunnersuut tusarniussutigineqareerpoq. Naalakkersuisoqarfiup tusar-niaanermi akissutini Social- og Integrationsministeriamut 4. december 2012-imi tunniuppa.

Inatsisit naapertorlugit ataataqanngitsut inatsisitigit inissisimanerat pillugu immikkoortut pi-ngaarutillit inissinneqarnissaat siunnersuummi saqqummiunneqartumi naammassineqassap-put, Naalakkersuisullu inassuteqaatigaat Inatsisartunit suliarineqarnissaa kiisalu siunnersuuti-galugu siunnersuut Ilaqutareeqarnermut Peqqissutsimullu Ataatsimiititaliamut ingerlateqqin-neqassasoq.